

小
草
齋
集

小草齋集卷之五

陳留謝肇淛著

友人王毓德校

五言古詩一

感遇四十首

太極本一氣先天祕其守陰陽運無倪橐籥成
萬有太道寂無言色象爭紛糾焉能使我心沉
冥坐離垢

高山生白雲雲散不歸山形氣自生滅悠悠天

地間吾生良不辰促騁多苦顏玄鬢忽欲皓臨
流時未歎

水玉流自方山磬卉不茁懷寶終見珍鼓鐘聲
四達東隣有貧女鳴杼日軋軋欲言恥自媒寒
月照幽闥

惠風布和熙蒼鷹化爲鳩猛志固常在惜哉毛
爪柔青雲不可際吾生行已休林卧抗高足知
命復何憂

厲鷗變素節白日慘無光衆芳紛徂謝獨鳳求

其凰微命麗尺籍歲莫羈它鄉曜靈馳迅轡朱
顏摧嚴霜懷哉不能寐道阻川無梁

少小嬰疾患中途因枯株書劒兩不就吾衰久
矣夫脩懷逼短景振策安所如飛蟠不一志且
各以自娛

許由逃堯封巢父洗其耳叔旦軟牲盟夷齊笑
相視鵬飛徙南溟一息九萬里天步方艱難雲
卧情何已

寒山聳孤桐霜露鏗繁柯鵠絃促寡珥激羽生

清歌風淒月徘徊曲哀不能和城南有思婦高樓凝愁蛾人事多乖迂天道寧如何

束髮志四方蓬行不憶歸中年厭別離未言已沾衣匏瓜安足繫所傷知音希朝攀楊柳條夕瞻鴻鵠飛鴻鵠去千里楊柳空依依

泠泠清淺池上有嘉樹林悅鳥恣清哢諸魚任輕沉綠陰未東移青女忽西臨元化本遞運安能傷我心乘桴未能逝東周力不任素懷在正始終爲知者音

鬱鬱五陵原淺草如茵翩翩冶遊子白馬飛
輕塵雙弧落高隼行杯割鮮新佳人坐藏鉤巧
笑動朱脣一朝人事謝閉骨荒泉隣夕陽不返
照今跡倏已陳君聽雍門琴千載徒酸辛

燕趙多淑姬吳越饒變童融冶皎明月結束合
纖穠橫媚不自持飄如朝雲蹤盈盈隔河渚佳
期誰見同抱此長相思徘徊岐路中願作涼露
沫霑君碧玉叢

仲翔非棄世曼倩非諧時飛天復潛淵吾道良

在茲驚飈搖芳節客衣久已緇頽然引斗酒河
清寧可期

啞啞頭白鳥朝莫刷毛羽巢我庭樹巔攫肉哺
其母豈無繁弱弓感此不能舉王事歸未遑哀
哀泪如雨

皇風被四表宇宙同車書陽光殄魑魅關烽恒
晏如穆清久高肅琛賁充九衢鳴雞無留誠芳
塵凝玉除伐檀咄懸鵲折柳思瞿瞿爲犧且未
及東海從鷄鵠

燕山古天府百一開神州太行簇如礪河洛參
差流郊鄆定周鼎千齡爲春秋皇皇鳩鵲觀斐
斐翡翠樓神聖六七作端居秩皇猷常恐履霜
節勁飈摧綠疇浮雲望曖曖客子增離憂

大隱在朝市恐非知者言旣已徇微祿能無車
馬喧蓼蟲甘食苦慕鴛榮庠軒策馬臨秋臯悠
然思故園物態苟如此素心安可論

昧爽度居庸薄暮臨瀚海愁雲黯無色白骨高
於壘風酸馬蹄圻雨濕鬼聲餒歛然見虜塵三

軍顏色改君看麟閣動十指幾人在

安仁賦閑居茂先感鷦鷯豈無冥冥思虞羅終
見招嗤彼處堂雀羽短計不遙傷此遊釜魚空
復懷春潮願覆主父鼎暫挂箕山瓢華根久已
割微石安足徼

歲難不死草生長圓丘側上有彤雲芝下浸醴
泉液采之丹鼎中陽華鍊陰石七日龍虎成中
宵魑魅泣刀圭駐顏顏齒生髮不白翩翩駕文
螭風雷爲羽翼揮手謝世人霓旌渺無極空留

鳳笙音千載長相憶

駢騁戀代草鸚鵡懷隴枝客子宦京都所思當
語誰上山采側生入海隨鴟夷自我久不見三
載時夢之白雲本在天卷舒從風馳心跡未能
遣惆悵復何爲

林回千金壁棄之負赤子天性自糾纏榮利徒
爲爾世人交黃金金盡心亦死譚拾有遺言絕
交從此始

築室臨九廡言多不成績十策御四馬馬駭勒

中軌先民自有程薰艾終殊植胡爲如流泉哀
哀忘秋實

皎皎荆山瑤價逾十五都精光燭雲漢玄彩合
乾符青蠅一相點千載委路隅泣血誰見明韞
櫝難爲清景光迅如電感歎行踟躕

吾嘗登泰山搔首望東海羲和五雲車中夜發
光彩竚鼉可爲梁三山遙相待悠悠遐舉心奮
翮未能追蹉跎復千秋空抱桃源悔

長城築備胡胡在骨肉間清河刃萬人肘腋忽

生患天道有先幾知者明未然黃髮誠旅獒千載稱其賢

身如常轉輪心爲不動軸去留兩無繫和光非諧俗離離原上花磊磊澗中竹莫以青雲枝隨他道路目執珪未足榮賃春豈云辱祿薄固所安途窮焉用哭我欲竟斯言氣短不可續

國風一十五興衰燦羅列王化始閨闈窈窕想前喆嗟嗟濮上音中葺坊已決蟬蛸羨朝榮長楚傷春燁黍離旣東徂微言亦西絕元聲竟誰

陳紫蛙亂諧節誰挽長迹波一爲歌白雪

南皮多高韻達古尚未遠浸淫及齊梁繒繡空
滿眼春粵豈不賞所傷秋根損煌煌開元氏表
策騁脩坂大鳴播六合小鳴叶絃管詎知江河
流儵已瀕中晚正始有鴻祕誰能探其本吾道
良悠悠太息掩遺簡

君山鍛羽儀敬通終擯棄棲棲郎官署白首淹
顏駟灼灼桃李華隨風落茵廁升沉無恒則真
宰不自異才與不才間全身道所貴

駿鳥藏陰魄玄兔含陽精三百六十度四時功
迺成龍吟火暗伏虎嘯水上行亭毒成變化何
處非神明

舉杯浮明月杯盡月亦吞借彼團圓光照此清
淨根端居玩物化縱心遊浩然始知無罣碍可
以長久存

少年耽遊戲健如敗轅犢中歲好典墳舉世嗤
書麓緗縹若霞麗牙籤架連屋散之千萬卷握
之不盈掬靜夜把遺編迫然對心目陸公與鄴

侯生前何碌碌

山居寡輪鞅朝暮時高眠咄咄遊宦侶日旰未
遑餐讒言亂貝錦蛾眉各爭妍桃李甘寂寞成
蹊自不言

吾聞西域胡剖身藏明月下瞰蛟人居鰐魚碎
其骨羣龍方野戰寢兵競排突蹻跼揚其威靡
草隨風發四海行路難二緘防顛厯

少年任豪俠結客扶風里千金買一笑殺人身
不死盈盈邯鄲娼輕軀怯羅綺鴛鴦七十雙香

塵飛不起平生快恩讎經過皆趙李自謂金穴
中富貴長足倚一朝嬰亂離冰山消爲水流落
餘一身獨夜隣山鬼天高不可親人情交若市
翩翩海上鷗忘機在泥滓

華堂厭梁肉貧者茹草根青樓裂繒戲寒女衣
不完天道如張弓弛控唯所存三公豈不貴仲
子方灌園

妖墓蝕元精煬竈亦蔽明誰知蒼蠅聲足以亂
雞鳴賤妾閉長門芳苔生玉墀咫尺隔萬里君

心那得知

騶虞王者瑞非時固不來鳳皇戢其羽衆禽爭
喧扈魯連蹈東海仲尼亦居夷大火西南流寒
暑各有期日暮嚴霜落芳蘭死路岐

微陽未東作星與月爭光元運墜於地千載何
其長野狐窟荒郊鴟鴞鳴我梁撫劒中夜起攬
衣行徬徨欲鼓朱絲絃繁音亂宮商絃斷調亦
絕颯颯風吹霜大雅苟不作河漢徒相望

獨坐

意馳神亦昏術工道彌損一落風波中轉覺彼
岸遠獨鶴卧前墀孤雲起層巘悠悠誰共言坐
惜白日晚

秋思三首

北望不得意東來非吾心蒼茫白日速高風生
秋林天步苟如此離憂安可任

寒蟬抱葉吟葉墜蟬亦老陽春不復迴腸斷對
秋草榮枯會有時空令傷懷抱

立馬臨高臺飛沙暗天地朔鴈一聲悲秋色千

里至歸思方悠哉無言但垂泪

中秋官署小集

一鴈度漳河年華已消歇還將未去人慙對又
圓月玉露寒葶衣金風吹素髮臨觴不盡歡坐
望明星沒

長白道中

驅車層崖顛走馬荒林裏馬足復車塵嗚呼歲
暮矣山頭清淺泉山下污穢水好醜心自知紛
紛竟誰是

見白髮

昨日去已遠明日來復近三十六年中往事成
一瞬百歲能幾時蘭膏漸以燼蒲柳無遺姿風
霜有餘刃憶昔少年時健若東郭魏形骸困奔
走衷腸嬰悔吝一夜微霜飛星星上人鬢頽波
不再湍落木無重潤吾生信有涯神理未應盡
委運復何爲努力事精進

春夜寄汪仲嘉

新月皎已升驚鳥棲未定何處橫笛聲風來滿

清聽潄露動土脉微香生花逕美人勞我心迨
然發孤詠

得二女

行年三十七頭顱已非昨膝下尚無人俛仰悲
寂寞夜來雙明珠耿耿照重幄夢魘良有徵弄
瓦亦不惡襁負幸無虞門楣欣有託塵累安足
縈呼雛且爲樂

雨霽寄陳隱君

新晴動花氣鳥啼漳水春出門見芳草忽憶山

中人種藥勵雲母煮石炊松薪甲子誰能識空
山無四隣

謁聖廟

謂天蓋云高璇璣無遺度謂地豈不廣八極亦
可步羲文久代謝吾道日淪斁夫子復何爲棲
棲振皇路麟獲道焉如鳳歌時已暮獨揭日月
行萬古忽長曙元始無全功神化疇能悟俎豆
肅千秋真王亦非素遺檜枯且榮疑有百靈護
精爽諒不渝玄功難思慮嗟余生不展希光景

徒驚勝賞欣自今儀刑儼如故側身望宮牆願
爲青雲附

答林茂之

代馬鳴西風越禽宿南枝久客戀儔侶邂逅成
心知嗟余倦游人獲爾千里姿吐舌奮新響逸
足馳脩達自言少不造飄泊來京畿皇天降凶
閔萬事俱已非四海今爲家窮鳥當安棲飲子
一杯酒與子俱天涯且登鳳皇臺爲我問烏衣
風流付江水得失竟爲誰况乃艱與屯志士夙

所資努力茂遠猷陸沉安足悲

餞送曹能始廷尉還晉安分得睇字

淒淒日欲落愁雲起天際獨鴈啼嚴霜朔風吹
蘭櫺以予倦游人把子將歸袂勞歌無歡聲別
泪已凝睇十載負好脩一官如疣贅寵禽寡脩
翮轅駒乏遠勢且辭白門花言采閩山荔閩山
渺雲端悲心不可繫客散暮筵空帆飛寒雨細
去去勿復言吾亦從此逝

爲能始悼亡三首

小意齋集 卷三
三
槿花不夕榮石火無留光束髮事君子淑儀揚
清芳如何忽十載中道成參商朝奩委殘黛夜
機空流黃晦明永異路脉脉徒相望

一息吹衆萬脩短誰爲因可憐風前花倏作陌
上塵朱顏委黃土綠苔生華茵良人側孤影稚
子啼秋旻昔爲骨肉親今爲山鬼隣幽壤一以
閉千年不復晨願言誓同穴慰此泉下人

朔風生玄雲白楊烏夜啼素車豎丹旄相送江
之湄馬爲徘徊鳴雨爲寒淒淒故園二千里天

遠魂易迷靈光無生滅臭腐亦神奇神理倘未
盡恒化復何爲

杏花村遲能始

策杖杏花村徙倚鳳皇臺春風不相待花落復
花開古意正惆悵美人期不來

賦得鮑少君爲友人母壽

寒松有特操不爲桃李花幽閨秉微尚所志非
紉羅夫子困藜藿妾亦卸鉛華著簪不耀首椎
髻洗長蛾入門拜姑嫜操作勤桑麻提甕遠出

汲籩豆皆靜嘉潛龍終際遇嘯者亦已歌貂蟬
盈膝下間里驚鳴珂貧賤既無悔富貴安足誇
豈以二世驄而忘挽鹿車舉手抗浮雲輕膚餐
絳霞何必喬與松俛仰樂事多前脩未云邈徙
倚青雲柯

入燕感事

落日照高原涼風鳴麥穗今年禾黍場昔日傷
心地半壁餘水痕頽垣委敗器斷橋穿馬蹄殘
艇閣沙際行人且勿嬉官家尚收稅

懷金陵諸同社

君聽白門鶯我醉燕市酒猶憶別離時風吹秦
淮柳素衣旣已緇垂楊亦生肘臨觴忽不御獨
坐空搔首

過孟嘗君墓

孟嘗稱四豪食客多意氣一朝失齊權去之若
掉臂蒯綬無餘音雍門有遺泪人今安在哉悲
風生荒隧

舟中熱病作

赤日枯黃河孤舟熱如爨雖有少女風不解火
雲曠蝸居無所爲散髮揮長汗秋來轉多蠅蚊
蚋攢至日造化復不仁罹此陰陽患長松鳴短
壑落花出幽閭胡爲紅塵中坐令歲月晏

與興公元化食螭房作

巨螭負石居連蜷如山岳海水浸灌之肥甘勝
醇醪拒戶雖云堅濡沫忽已涸石磴簇金盆銛
鉗自鐫鑿如探驪龍領明珠爭鋒攫壁壘倏盡
空棄置若秋穰醉飽且適意拍浮共爲樂

十二支詩

晏子毀仲尼景丑非孟氏寅賓無迴日卯刀難
割水茲辰弗爲樂倏忽歲在巳旁午起風塵未
遇吾老矣含詞如不申二酉徒爲爾買醉金屈
戌何心辨亥豕

五月十月初嘗火山荔支大僅如栗而味
亦不甚酢每十枚三錢同陳惟秦徐興
公鄭孟麟賦

五月猶未半輕紅已出市磊磊朱葢蕤午疑晨

星墜雖無膏腴肪已勝醇酪味碧玉初破爪珠
胎尚含淚襦薄不禁風肌細還愁穉楚然空谷
音始知希者貴

聞興公園荔爲山鼠所食慰之

昔聞將軍樹高者縱猿取今君扶荔林徒以飽
碩鼠此種出楓亭移來百里許十年一結實時
復困風雨樹杪若殘星不能盈筐筥鼠患尚可
除蟲蟻不可去佳人薄命多寧獨江家女綠珠
墮高樓明妃辱胡虜榮悴自有時東君那爲主

須待滿林香爲君浮桂醕

集鄧道協所噉中觀荔支色尚青而酢甚

同陳伯孺周喬卿徐與公賦

火山出未久中觀繼其後裊露蒂猶青綠衫裊
紅袖齒頰有餘酸膏腴尚未厚措大性所宜拏
攫不停手琴瑟雖未調亦已勝瓦缶酸盡回微
甘佳境漸入口岸幘發浩歌孤月上高柳

積芳亭噉蚤紅荔支分得藥名詩

袒卧桂枝林紅雲實已美酸漿猶帶人餘甘遂

溢齒寒冰片片飛丹液巨勝爾殘香附筠籠擲
地黃間紫劇談幸從容天半夏雲起預知佳味
深蚤當歸故里

集高景倩齋頭嗽鑛玉荔支賦得漢人名

詩

夏季布華筵鑛玉陳蕃枝輕黃香四座殷朱浮
青絲出井丹液涼雪竇融凝脂楊盧植上苑桃
李廣西陂未若三伏生微寒朗侵肌吾曹操彩
筆揮霍尤陸離餘甘寧可忘向子長相思

六月十一日買莆田陳家紫一日夜直抵
會城招諸子同賦分得五言古詩得一

屋

閩海荔若雲還谷布山谷列品七十餘陳紫擅
其獨未銳廣兩肩核焦埋深綠此種出莆陽祕
書閉門醫寥寥五百載接枝彌蕃育在山豐年
玉出鄉荒年穀六月火雲蒸紅塵勞急足朝採
楓亭林暮走馬江濱旦起日初高歲絃爛盈目
翠籠未開槭流香已滿屋飛燕雪中膚太真風

前浴色味不可名但知果吾腹敗襦委芳草游
蜂尋殘馥中冠慚後塵桂林甘雌伏勝盡淨江
瓶三分堪角逐異品固不常勝會亦難續何時
從九仙飽噉壺山麓

山枝

側生固多端山枝最晚出七月暑氣殘累累結
繁密大僅如彈丸甘足敵崖蜜此種生山中香
非家園正高居餐霧露豈意流甘實獨殿衆品
芳凌競三秋日陳紫退成功網羅屬遺逸佳期

將云徂殘紅不可失感此歲寒心對之味已溢
搔首白雲高梧桐影蕭索

送喬卿之歸化

天道何夢夢志士多陸沉富室厭珠玉貧者無
一金風高歲欲暮竹牀空寒衾仗劍出門去山
雲澹欲陰江雪黯無色安知天地心一曲拂清
商雙泪霑離襟願因南鴈發期子嗣徽音

聞能始叅蜀藩有寄

曹生誠拙宦其意無不可爲郎十載餘長日閉

門坐豈無捷足思周旋寧作我擁書苦微吟官
舍成飯顆一朝除書至恍若脫韁鎖金章未足
榮壯遊行也果劒閣路倚天瞿塘浪沒舵三月
錦城中百花明於火無以蜀道難翻令憶江左
夜渡馬江

新寧望不遠大江若天劃盈盈百餘里待潮復
待汐孤舟出海門豁然乾坤白石馬不可見浪
花三千尺時聞欸乃歌中流汎空碧晨雞喔喔
鳴依稀辨城陌風波愁人心安能久爲客

梨嶺

昨下白鶴林，今登大梨嶺。石級三千層，疑出霄
漢頂。陰蹲虎豹窟，晴挂虹霓影。危如華岳脊，勢
與崑崙等。十步九腸息，仰視不可竟。林杪忽微
明，窅若窺天井。罡風颯颯飛，細雨若縈縵。直穿
磴道窮，始覺塵方迥。一氣俯茫茫，村落同鼃黽。
大海碧際天，杯中瀉萬頃。島嶼浮沒滅，中流一
舴艋。盼遠神已飛，憑虛意逾騁。詠奇飽昔聞，壯
觀愜今景。尚平累未除，獨立愁方永。

將之太姥出城十里遇雨而返

霖雨困孤客跬步無所往三十六芙蓉居然結
夢想一朝喜新晴出門愜幽賞僕夫戒前途奚
奴具筇杖天地忽異色慘淡如反掌膚寸初沉
山簷溜已承響小兒豈相妬山靈乃見罔雨師
故可鞭鬼物非吾黨石室閤仙踪邈若河漢廣
窮途哭自今勝遊得如曩安得雲中鶴跨之九
垓上歸來仍殘鐙浩歌悲俯仰

芙蓉臺

步言出北郭共登芙蓉臺芙蓉不可見片石空
莓苔荒草無人跡松風天際來

小巖洞

平生丘壑姿適性在雲水到處逢名山歡若遇
知己所貴挾幽悶匪徒徇俗耳岐路千萬端賴
有山僧指穿莽浥竹露窺洞探石髓密簷旣鉤
衣峰稜亦傷履獨木跨窮澗下視不見底劃然
石作門丹竈還清泚登降雖苦疲得之良足喜
仙馭去不迴蒲菴歟已毀饑飈號頽垣妖狐穴

荒壘俯仰倍淒然興衰亦有以陵谷縱變遷亦
自勝朝市擾擾風塵間嗚呼吾老矣

由墜星洞達竹園作

山僧憚貴游靈跡每自祕達者爲名高亦無冥
搜志巨石塞道周徑直多荆棘歷險敢豫期探
竒偶然遂削壁列委巷歷落亂堆厠小者承似
撐大者歆如墜忽爾出幽谷豁然見天地踈篁
聳萬竿濛濛滴空翠步虛穿林杪却忘來何自
險恠歛軒蕩不曉山靈意大海何茫茫俯視但

一氣未惜筋力疲聊啞耳目異安得脫津梁丘壑隨所置

遊鉛山觀音洞歸遇雨作

駕言出西郊林巒帶村薄遠澗瀉平疇水車聲
閣閣行行不數里山勢互迴礧恠石何穹窿琳
宮敞寥廓峰轉路疑窮洞門當空鑿石級七十
二勢若從天落蒼崖倒層層玄玉鬼所琢恠突
殊怒號秀媚復綽約巖隙漏日光石罅溜殘瀑
大士趺林杪霞帔明珠絡化城未云遙閭風安

足樂振衣陟崔嵬一氣俯冥漠悠然見鵝湖秀
色應可握登降良已怡風雨亦不惡洗盡下界
塵從此置丘壑

病中聞哭死者

脩短天所裁怛化徒爲伎死矣復何知病者不
堪聽同爲逆旅人先後本無定神理倘未渝脩
身以俟命

瘧病

瘧病逾五旬人嬾鬼亦嬾當其銷鑠時精亡神

氣殫久乃漸習之高枕住蕭散那能勝巾舄
得罷櫛盥古方不可憑醫者無盧緩豈以神明
軀而藉參朮伴縱心遊玄冥浩然何脩短

清源苦淺

衛河淤百里小艇膠如屋篙師水中居鳴榔聲
碌碌十日進一舍銜尾相結簇西風吹陽侯儻
忽成平陸我病方瞑眩手痺髮曲局小婢搥我
背小奴摩我足我心若死灰安能課遲速長安
遠於日薪桂炊白玉遐哉獨往心皎皎在空谷

黃河乃中作

盲人不忘視痺人不忘行遊子多秋思乃在故
鄉城故鄉步艱難陽侯方縱橫吟隰盡魚鼈萬
戶生書鳴客行日以遠夢魂中夜驚不見鴻鴈
字但聞鴻鴈聲迢迢萬餘里離恨何日平懷哉
遠遊戒明發空屏營

己酉冬長安邸中作

燕市多悲風米貴於白玉天閭幾萬里可望不
可觸故人策健步對面隔川陸日黑魑魍驕迷

陽傷我足十月雪花飛客身寒起粟高春突無
烟稚子啼枵腹選曹離棘張虬鬚行視肉我躬
曲如蜺天高敢不跼未能飛冥冥聊以了殘局
悲喜復何爲黃粱猶未熟

寒夜感懷

凜凜歲二暮歸鴻浩南征客心渺天末役役哀
吾生撫劒中夜起碧宇何淒清霜氣襲四野素
月流前楹寒燈黯欲滅萬籟閒無聲欲奏思歸
引泪與朱絲并調孤絃易絕山鬼徘徊鳴浮生

無期別離恨何時平

題畫

山空翠欲滴鳥鳴芳草春長因雲外寺忽憶山
中人曳杖過前嶺松門無四鄰猶嗅蒼苔色漉
却白綸巾

寄玉簪阿興口號

吾宦久不適每欲解朝簪摘將遺驛使遠寄百
花潭恒持佩觴誠無貽貽筆慙

雙節詩

幽蘭不並秀高松常獨芳
咄咄婦與姑抗節雙
秋霜朝雪收殘黛
夜月棲流黃
北堂無迴照
東壁有餘光
汗血起足下
萬里坐騰驤
三釜不及
養九原
亦已康
孝子悲風木
儼然見羹牆
彤管炳雲漢
耿耿永相望

晝卧四首

長安苦風塵
出門皆是非
義馭方遙遙
一枕息萬機
華室競宴會
俠遊爭輕肥
誰憐子雲宅
寂寞掩柴扉

倉庚庭際鳴睍睍懷好音西山鬱嵯峨餘翠落
城陰而我困塵囿百慮囂相侵章脊眇何許冥
冥太古心

百計不如閒百行不如坐學人千萬端不如寧
作我冰簟有餘清竹門任反鎖却笑東方生全
身計已左

山居夢虎兒水行夢蛟龍所夢非所習胡不鼠
穴從適來非我期適去非我思去來無不可玉
皇悲田兒

京邑晚霽

抑心徇微祿理策趨時駕蚤作及晏眠掃軌衡
門下白日欲西沉流暉自相射芳甸榮繁陰惠
風鼓新夏宮闕鬱參差霞光散雲榭隱隱望桂
輪側挂觚稜罅羈懷浩難整况逼清脩夜天步
方悠悠搔首觀物化

京邸苦雨

殘暑未言徂愁霖先秋集潢汙淼難整窮巷無
人跡雞鳴風淒淒暝色長疑夕端居復何爲新

涼親枕席罅漏滴殘編苔紋窺土室誰知子桑
戶病卧亦成適

早秋都下作

金風驅徂暑驕陽尚南馳積潦淹周除鼠壤爲
汚池簷際落朽瓦青苔生人衣裸裎厭煩溽况
復遵脩逵紅塵鬱無際接軫爭追隨相逢各道
苦不知所從誰矯矯雲中鴻戾節東南飛苟不
謀稻粱繒繳將安施萬類各有適勞生復何爲
秋日邀龍君御同鍾伯敬林茂之賦時君

御將赴湟中

營道寡高標大音謝俗機誰云京洛塵而能緇
素衣前踪旣云邈後會安可希斗酒自斟酌蟹
螯秋正肥南陸有殘暑西山無留暉不知松際
月已桂花間扉雜坐忘磬折緒談聞芬菲君今
赴河湟戎馬生郊畿紅顏誰見賞青雲願多違
舊歡意未浹新離泪仍揮余亦倦遊者因之歌
式微

郭聖胎以舊書見貽賦贈因懷徐興公林

志尹

郭生秉玄鑑力能辨亥豕魚腸望豐城駿骨收
燕市不作帳中藏掇之贈知己昔我居山中過
從二三子窮巷肆搜牢宛委探鴻始竭來未三
秋飄蓬各萬里徐生尚固窮林椽長已矣空谷
聞足音對此兩悲喜

黃金臺

高臺爲平地駿骨亦以朽落日無人行西風撲
衰柳英雄安在哉立馬空搔首

暮春南行

春色忽已暮鶯啼高樹枝風來不知寒柳花黏
人衣脉脉清淺泉翼翼東南畦客子困遠道農
夫俶新畱貴賤各有役安能辨是非

圯橋

圯橋踞進履二與老父期終回烈士心作彼帝
者師此意久寂寥千載空芳祠

桃源

炎祚屯百六義士感風雲惜哉金石心竟作鼎

足分至今黃河聲鳴咽那堪聞

淮陰

老嫗風塵中乃能識王孫烈士死知己寧爲一
飯恩楚水流不盡廟貌空黃昏

露筋祠

白壁自不涅微軀何所求至今女郎祠颯颯英
風秋惆悵千古事月照清淮流

玉田道中苦雨

楚天信多雨十行九滯留徂暑松林下蕭瑟如

清秋千巖漲飛瀑萬壑怒爭流石滑步履蹶况
復山路悠雲愁忽欲瞑豺虎號林丘陰洞間無
人魂悸寧自由彳亍不能前心與足爲仇前衛
旣云邈來轍仍未休吾生諒有涯安事遂置郵
中秋泊臺同社諸子燕集得中字

曰余寡儔侶一丘息微躬結廬河之湄心境將
無同高臺不渝尋乃俯清波中况復秋色半素
魄挾金風憑虛肆遐矚目極寒烟空欣此良朋
聚浩然凌蒼穹銀漢西南流耿耿夜向終景光

各自愛此樂亦何窮

辛亥初冬偕馬季聲僧悟宗遊鼓山白雲

洞作

石鼓障大壑白雪麗其右雄竦爭呈奇崇基各
異構我來值徂冬落葉錯紛糝平野無鬱林蒼
然見遠岫井田何從橫村墟亦輻輳甌窰滯遺
乘閒渠決新溜梅蕊綻南枝潛覺春光漏巖罅
非術阡馬首苦眩瞶溪澗瀑練微草枯石稜瘦
叢林宵衣留羣客滑步作積翠開僧寮竹木紛

騰茂聊息望月喘暫同歸雲逗勝具故不乏餘
勇猶可售層巒彌欹歎怒崖競排闥一線趾僅
容千層砌新就努力纔企前息踵已瞠後捫壁
目徐移牽藤手相授橫邪效郭索攀緣疑猿狖
轉折頻逡巡彎環苦延衰力疲藉杖藜唇焦甘
橘柚俯睇屢驚魂仰盼猶惛眩路盡疑無門石
穿忽有竇倏然出林杪茫茫挾宇宙長江小如
帶三山峙若豆聚落間原野凸凹裏分繡萬壑
盡朝宗羅列牛馬走勢同東嶽尊玉帛俯卑幼

天閭不盈咫呼吸通列宿抗手凌八極胸臆恣
雄富平地白鳥橫半空飛雲驟妖狐竄寒穴恠
禽啼清晝風氣乍開闔陰晴倏殊候途窮已及
顛巖虛仍倒覆蛟龍互拏攫蝸蟻自篆籀攢青
竹根拳簇黛松鱗皺巧匠斲山骨神工剝玉甃
誅茅納數椽縮若巢中殼上倚天成瓦下滴重
簷雷太士結高趺手摩獅子吼面壁亦可棲安
禪豈云陋鍾鳴萬谷傳窓掩斜陽透夕靄猶霏
微素魄已潛歛寒林絕鳥雀空壇走鼪鼯樹影

搖簾櫳嵐露濕衫袖佛火滅復明山雲吐還漱
但覺清心魂安知宿邂逅焚檠紛破碎各姓空
鐫鏤坐竢羲馭昇更扶鴻濛秀古洞納潮音飛
來似靈鷲蹄泠藏半壁屈曲不可究水簾雖涓
滴戛戛琴瑟奏遐攬曠周流宿願忻初副登高
何迤邐下險尤勞收忽如落九天項臂相踐蹂
措足頻審諦欲墜驚相救先者未就夷繼者已
傾踣漸失翠微色猶聞清磬扣竹房半掩扉蒲
焦具釘餽老僧愛敬客慰藉叙新舊細憶二十

年靈闕猶未覲結夏鳳池旁晨夕西北首松林
吐聖燈團光煜薪標振錫躡重巒斬蘿驅毒獸
鉗鑿從茲興畚鍤無停留屹屹疑復止重重進
還又如探驪龍穴如蒐至寶固力微肩弗任囊
羞直靡儼矧茲窮谷中百怪相欺徂野义舞張
爪夜梟啼俛殊往狸爭定龕題題于神呪懼洩
真宰藏忍受山靈詎一日叢林開坐看輪蹄湊
別來未經載榛茅荒難耨勝地固靡恒布金亦
希邁牛羊復斥芥美材距能壽安得宰官身弘

施長護佑語罷長嘆息歛歛復誼譎擾擾浮萍
蹤冉冉幻泡漚衆生旣蚩蚩塵識徒貿貿攘攘
競市朝營營慕羶臭皈依無根因名理相刺繆
割腸乏慧鏑膏肓孰鍼灸佛土興有期開山功
斯懋勉續聚沙績無孤檀林構矢詩貽同心聊
以相勸侑

讀明詩作二首

皇王世遞作升沉非人謀不揭日月光孰迴江
河流 皇路久清夷文德洽四陲命世矧詰軌

遺風景前脩郢曲旣寡和大音翻見羞小禪競
衣鉢正始無箕裘螭蜺鳴蒲耳吾志在東周
龍飛初革命中原沿胡音惟有閩與吳正聲未
陸沉笙鏞雖異奏山海互高深皇皇弘正朝意
匠彌深心金昌旣典則北地淪蒼森信陽整風
骨極步追高岑王風寢不競霸圖遂見侵偏師
爭角逐戈矛紛相尋膏肓不可藥匡合力難任
悠悠俟千載腸斷高山琴

望雨

炎曦驕龍馭毒埃翳層今朱景久流麗膚寸無
微陰庭藥半萎地來牟枯蹄涔周壁祠旣卒魯
庭暴難任倬彼雲與漢蒼生待爲霖不聞膏澤
下安知造化心却憶黃梅雨緬懷嘉樹林南畝
足畊稼爽然散我襟

古意

梅雨上蒼苔流鶯催春老昨日白楊花今朝青
萍草素心空自持紅顏詎能保風起夕陽斜腸
斷邯鄲道

古詩四首爲趙仲一司勳賦

有引

仲一起家名進士釋褐爲名縣令立朝爲名
吏部而衆口鑠金三言投杼削迹山中十有
四載矣君旣棲遲衡門而余亦陸沉冷署關
河萬里鴻鱗狂絕頃附所知以尺一相訊蓋
不勝其離憂嫉世之志也夫士貴不朽行期
自信遇合者一時之偶值升沉者轉眼之浮
漚余俱其以是失故吾也輒貽四詩以答其
懷而廣其意焉

渺渺雲中鴻，翱翔梁間燕。高下本殊倫，清濁終自見。蛾眉衆所憎，雞肋寧足戀。可天亦可淵，神龍有妙變。天道良悠悠，愁看豐城劍。

黃河西北流，地維東南坼。世事多顛倒，人情異今昔。昔如得霜鷹，長空振勁翮。今爲在田龍，蟻相困阨。瑾瑜售有時，貝錦終何益。矯首扶搖風，聊以六月息。

老驥伏櫪下，志豈忘千里。英雄不遇時，拊劍泪如水。蜩鸞飛啾嘈，威鳳何時起。南山有敝廬，負

郭足耘耔倚杖聽流鶯腰鐮刈麻泉塞馬與隍
鹿得失竟誰是

昔我登金閨與子傾平生聯鑣長安市擊筑多
懽聲風塵二十載蹤跡雙飄萍鴈足傳尺素得
之喜且驚顏駟尚郎署孟郊終沉冥努力崇明
德朝市曷足繫

蓮花峰墓下作二首

生爲逆旅人死作泉下客一丘掩幻形萬累從
此畢佳城鬱葱葱羣峰翠相射寒泉泐泐鳴松

濤翻日夕隧道不踰尋闕宮深以恤我生諒有
涯於焉閉窀穸來時乘太虛去後煩瑩域已覺
累子孫何須管魂魄尺地隔幽明俯仰成今昔
鳥鳶與螻蟻腐肉安所擇脩短復何疑存神爲
安宅

昔我買茲山新松纔一尺竭來經幾秋翠蓋參
天立物化已若茲居諸迅過隙鼎鼎風塵間安
能久爲客裸葬諒匪經石槨終何益夭壽志不
貳豐約從所值歸盡復何言不朽在名德

七山詩

有引

暇中讀皇甫子安七山詩皆眷慕仙踪馳心
遐舉托於王子年玄誕荒唐之說非實際也
夫旣困頓世樊而復希冀幻境譬之談梅止
渴盡餅充饑寧有濟乎余夙志沉冥鍾情丘
壑雖奔走風塵面目漸改而幽棲勝蹟常縈
夢魂聊就生平所歷擇其尤者述如其數以
當少文之遊且訂向平之約云爾

坤維東南磐代嶽中天峙神秀割陰陽磅礴三

千里元氣接扶桑茫茫浮弱水玉檢闕雲墟金
符隱仙趾靈寔宵難求賞心望伊邇十載夢寐
中棲真從此始

右泰嶽

天目古洞天翠色亘吳越紫雲扈太清隱隱見
金闕西傾震澤區東望渺窮髮一氣何茫茫吐
吞滄海月形芝燦三秀神光互滅沒矯首察青
鸞空中坐超忽

右天目

天都芙蓉峰奇秀非一狀向背互變態昏曉紛
排蕩的皪金光砂寒泉自蒸釀鼎湖龍已飛玄

宮空雲帳咫尺接三山
灝氣遙滉漾欲卜石樓
棲一柱仙人杖

右黃山

東南五老峰橫黛大江
曲疊嶂競騰擎芙蓉散
晴旭陰崖蹲虎豹寒谷
歆珠玉靈洞窅無涯石
室祕丹錄我昔駐雙林
賞心寄遐目何時巢雲
松脫屣謝塵躅

右匡廬

縹緲幔亭峰去天不盈尺
綵雲駐鸞車丹湫注
龍液毛女顧我笑茹芝
生羽翼委蛻粲玉齒霞
光晃相射架壑猶有舟
滄海半陳迹我亦舊曾

孫蹉跎已頭白

右武夷

長溪雖南服迢遞隔萬嶺可憐瘴海濱閒却真
靈境竒峰互插天風雷沸丹井穿雲一徑危埋
雪三伏冷大壑瀉杯中百蠻皆鼯鼯自非控鶴
身焉能窮幽騁

右太姥

霍林上真居仙境兼佛地聖燈煜叢林金闕絢
嵐翠龍睡玉潭空鶴歸珠宮閉至今天冠山夜
識金銀氣側思五雲侶靜演三車義白蓮與赤
松達者隨所詣

右支提

小草齋集卷之五

終